

---

Saksnr: 2020/52598-3  
Saksbehandlar: Petter Lem Gullestad

---

**Saksgang**

Utval	Utv.saksnr.	Møtedato
Valnemnda		15.12.2020
Fylkestinget		15.12.2020

**Søknad om midlertidig fritak - Tor André Ljosland****Innstilling**

1. Tor André Ljosland vert innvilga midlertidig fritak frå sine verv i folkevalde organ som det går fram av saksframlegget, for perioden frå 1. februar til 14. mai 2021.
2. Frode Kleppe Holgersen vert vald som setjemedlem i hovudutval for næring for perioden 1. februar til 14. mai 2021.

**Samandrag**

Tor André Ljosland har søkt om midlertidig fritak frå sine verv i folkevalde organ i samband med avvikling av foreldrepermisjon. Fylkesrådmannen rår til at søknaden vert innvilga. Fylkesrådmannen rår til at fylkestinget gjer val av setjemedlem i hovudutval for næring for Ljosland sin fritaksperiode.

Rune Haugsdal  
fylkesrådmann

Ingrid Kristine Holm Svendsen  
fylkesdirektør

*Saksframlegget er godkjent elektronisk og har difor inga handskriven underskrift*

## Saksutgreiing

### Bakgrunn for saka

Tor André Ljosland har i e-post datert 2. september 2020 til administrasjonen søkt om midlertidig fritak frå sine verv i folkevalde organ. Ljosland søker om midlertidig fritak for perioden 1. februar til 14. mai 2021.

Ljosland er medlem i fylkestinget, leiar i hovudutval for næring og leiar i arbeidsutvalet som reviderer delegeringsreglement med meir. Ljosland er dessutan varamedlem i fylkesutvalet, finansutvalet, fylkesvalstyret og valnemnda.

### Vedtakskompetanse

Fylkestinget treff vedtak i saker som gjeld midlertidig fritak, jf. kommunelova § 7-9. Fylkestinget gjer val av setjemedlem med meir, jf. kommunelova § 7-10.

### Vurderingar

#### Rettsleg grunnlag midlertidig fritak

Av kommunelova § 7-9 (2) følger:

«Hvis en folkevalgt ikke kan ivareta vervet sitt uten at det fører til vesentlig ulempe for han eller henne, kan kommunestyret eller fylkestinget etter søknad frita den folkevalgte for vervet midlertidig eller for resten av valgperioden. Når søknaden vurderes, skal det legges vekt på om grunnlaget for søknaden var kjent på det tidspunktet da den folkevalgte samtykket i å bli valgt.»

Av førearbeida (prop. 46 L (2017-2018) følger på side 364:

«Det siktes her først og fremst til forhold knyttet til den folkevalgtes helsetilstand, arbeidsforhold, familieforhold og andre sterke velferdsgrunner.»

Etter fylkesrådmannen si vurdering er foreldrepermisjon i kjerneområdet av kva som er å sjå som akseptert fritaksgrunn.

#### Rettsleg grunnlag val av setjemedlem

Av kommunelova § 7-10 (2) følgjer:

«Hvis en folkevalgt i andre organer enn kommunestyret og fylkestinget er innvilget fritak i minst tre måneder, kan kommunestyret eller fylkestinget selv velge et settemedlem for den perioden fritaket gjelder. Ved valg av et settemedlem skal rekkefølgen på listen for varamedlemmer følges.»

Midlertidig fritak gjeld i dette høve for meir enn 3 månader, og administrasjonen legg med dette til rette for val av setjemedlem i perioden fritaket gjeld.

I hovudutval for næring er første vara på Krf si liste Frode Kleppe Holgersen. Fylkesrådmannen rår til at Kleppe Holgersen vert vald som setjemedlem. I Ljosland sitt fråver vil nestleiar Sigrid Brattabø Handegard leie utvalet.

Arbeidsutval som reviderer delegeringsreglement med meir er sett saman av 3 medlemmer: Tor André Ljosland (leiar), Silja Ekeland Bjørkly og Aleksander Øren Heen. Ljosland har munnleg orientert om at det er lagt opp til ei framdrift i arbeidsutvalet som ikkje gjer det naudsynt med fritak her. Fylkesrådmannen legg dette til grunn.

I fylkestinget vert varamedlem kalla inn etter listenummerering.

#### Rettsleg grunnlag val av midlertidig vara

Då det midlertidige fritaket til Ljosland er avgrensa frå februar til midten av mai, har fylkesrådmannen ikkje lagt opp til noko val av midlertidige varamedlem. Fylkesrådmannen orienterer for ordens skuld om opninga for dette, jf. kommunelova § 7-10 (6) og (7).

#### Konklusjon

Tor André Ljosland vert gjeve midlertidig fritak som omsøkt.  
Frode Kleppe Holgersen vert vald som setjemedlem i hovudutval for næring.  
Fylkestinget gjer ikkje val av nye midlertidige varamedlem.